

۱ اپریل

۱۳۴۱

تورک تاریخ انجمنی

اون پشچی سنه
نومبر ۱۱ (۸۸)

مجموعہ سی

صاحب اتا اوغللرندن احمد

روم سلجوقی دولتلك انقراضیه تشكك ایدن طوائف ملوكدن قره حصار صاحبدہ كی صاحب اتا اوغللری حقندہ تاریخ عثمانی انجمنی مجموعہ سنك ۵۶۳ و ۵۶۴ صحیفہ لرندہ بر قاچ سطر یازمش و «صاحب اتانك احفادی قره حصارده اجرای حكومت ایتشلر فقط بونلك اسملرینی بیله بولامادم» دیمش ایدم .

اخیراً آفیونده یعنی قره حصار صاحبدہ بو خانداندن احمدك آدینه ایکی كتابه كوردم .

اولا كتابه لری یازیم :

قره حصار صاحبدہ قبله جامعك قپوسنده یدی یوز اوتوز بر تاریخی بش منطرق كتابه :

(۱) بسم الله الرحمن الرحيم

(۲) وان المساجد لله فلا تدعوا مع الله احدا

(۳) انشا المولى المعظم نصره الدوله العاسه احمد بن محمد

(۴) عز نصره وبعمارة المباركه السعيد امر لعبدالله الحاج على بن

(۵) ادريس اخير الله عواقبه في رمضان المبارك سنه احدى وثلثين وسبعمائ

قره حصار صاحبدہ قبله اوله رق ايلك دفعه بو جامع ياپلش اولمغه « قبله جامع » ديه نام آلمشدر .

ايكنجی كتابه اولو جامعك صول طرف قپوسى اوزرندہ بش سطرلى یدی یوز قرق ایکی تاریخی شو كتابه در :

(۱) انما يعمر مساجد الله من آمن بالله واليوم الآخر

- (٢) وفق بمارة هذا المسجد الجامع العبد المحتاج
 (٣) الى رحمة الله تعالى مغيث الدين امير عيسى
 (٣) ابن المرحوم مظفر الدين فى ايام الدولة المولى المعظم سلاله الوزراء
 العظام

(٥) نصره الدولة والدين احمد اعز الله انصاره فى تاريخ محرم سنة
 اثنى اربعين وسبعمئة

بو ايكي كتابه به نظراً احمد بن محمد (بن حسن بن على بن الحسين) ٧٣١
 سنه سنده بلكه دها اول قره حصار صاحبده حكمران ايدى . هر حالده مشاراليه
 ٧٤٢ سنه سنده واحتمال كه دها صوكره قره حصار صاحبده حكومت ايتمكده ايدى .
 اولو جامع كتابه سنده كى « سلاله الوزراء العظام » تعبيرى مشار اليه احمدك
 صاحب اتا فخر الدين على نك احفادن دن اولديغنى مؤيددر . صاحب اتا على وزير
 اولديغنى كچى باباسى الحسين ددهسى ابوبكر (١) ده وزرادن اولملىرى محتمل ايسهده
 و بابه بر قيد تاريخى به دسترس اولامادم .

قويهده صاحب اتا تره سنده جينبلى صندوقه لردن برنده :

المفقور السعيد الشهيد المقتول شمس الدين

محمد بن حسن [بن] على بن الحسين سنه ست وثمانين وستمائة

محرر كتابه احمدك باباسى محمدك اولمابى قوياً مأمولدر . شمس الدين محمد
 ددهسى صاحب اتادن بر سنه اول قتل ايدلمشدر . محمدك باباسى نصره الدين حسن
 جبرى وقعه سنده ٦٧٥ سنه سنده شهيد اولمش ايدى .

اولو جامع سلچوقى دورى مبانيسندندر . عرضاتى بر بنا اولوب نسقى بشر

(١) كيكاس اول وزراستدن مجدالدين ابوبكر اسمنده بر ذات واردر . بو ذات عجبا

صاحب اتانك جديميدر ؟

صیره سکزردن جمعاً قرق آغاچ دیرک اوزرینه طوتدیرلمشدر . دیرک رک باشلقری ای بر صورتده نخت ایدلمشدر .

آلتی یوز یتیش بر تاریخی منبری قپوسنده شو کتبه موجوددر :

عمل امیر حاج بک النجار فی غرة ربیع الاخر سنه احدى سوستماه
اولو جامعک محرابی نک اوج طرفنده آیه الکرسی محکوکدر . آیتک صوکنده
شویله بر یازی وارددر :

« فی زمان شره العظیم العبد الضعیف علی بک بن سوستوس کتبه
حاجی مراد بن محمود »

فجرالدین سیواستوس قونیه سلچوقیلرندن کیکوس ثانی امراسندندر [۱]
لیدده مطبوع مختصر ابن بی بی نک اوج یوز اوتوز اوجنی صحیفه سنده بحث اولنان
علی بک بو سیواستوسک اوغلی اوله جقدر .

ابن بی بی نک روایتیجه جهری وقعه سی صیره سنده علی بک حقه ده اجانبه متابمت
ایتدیکندن بحثله کیخسرو ثالثه شکایت ایدلمش . سلطان مشار الیه ده علی بکی
طوتدیرمش قرا حصار دوله یه کوندرمش ، اوده اوراده قورقوسندن اولمشدر .
بویله بر شریرک شرتی محرابه یازان کاتبک جرأت مدینه سی شایان حیرتدر .

سلچوقی دورینه عاڈ قره حصارده کی دیگر کتبه لر :

قلعه قپوسنده مرمر اوزرینه اوج سطرلق کتبه :

(۱) امر بعمارة هذه الدار العالیه فی

(۲) دولة السلطان المعظم علاءالدین

(۳) والدين ابوالفتح کیقباد بن کیخسرو برهان امیر المؤمنین

هودالى چشمه سنه صوكره دن قونلش اولان كتابه :

- (١) السلطان لمعظم عز الدنيا و
- (٢) الدين ابو الفتح كيكاس بن كيكسرو
- (٣) برهان امير المؤمنين امر بعمارت
- (٤) المقام المبارك العبد الضيف
- (٥) شمس الدين عمر بن عثمان اليسرى
- (٦) فى تاريخ سنه ثمان و اربعين و ستمه
يوقارى بازار مسجدنده :

قال النبي صلى الله عليه وعلى اله

من غدا الى المسجد وراح اعد الله

فى الجنة منزلا كلما اغد و اراح (١)

بنى هذا المسجد يوسف بن قرامان سنه ثلث وستين و ستمه

بوكتابه نك آلتنده سكر يوز يتمش تاريخلى ديكر بر كتابه داها واردر .

احمد نوحيد

(١) ابو هريره دن بو حديث شريف شوبله منقولدر :

« من غدا الى المسجد او راح اعد الله له نزلاً من الجنة كلما غدا او راح »